

石炳南先生輯錄

雍邱政牘

君宜署



上海图书馆藏书



A541 212 0010 5142B



石炳南先生輯錄

雍邱政牘

君宜署




雍邱政牘弁言

亮作吏雍邱閱時三載屢叨異數深媿菲材屆茲受代之期未有可報之政爰取歷年公牘撮其關於水利實業教育者彙爲兩卷用備觀覽公庭懸魚雖雅慕乎羊續美錦學製實見笑於子產慚無富教之方常抱願學之志云爾

民國九年九月紹興石亮識

雍 邱 政 牘

雍邱政牘
弁言



雍邱政牘目錄

卷 上

呈請濬挖惠濟河並擬具章程圖說文	一至四
杞縣濬挖惠濟河章程	四至七
附河南省長公署指令	七
呈報惠濟河工將竣并擬添築橋梁增設洞閘文	七至九
附河南財政廳指令	九
呈報挑濬永濟渠分工丈尺及開工日期文	九至一〇
附河南省長公署指令	一〇
呈報永濟渠惠濟河工竣請派委驗收文	一一至一二
附河南省長公署指令	一二
呈報挑濬睢河圈河開工日期文	一二至一三



附河南省長公署指令.....一三

會呈驗收惠濟河工程文.....一四至一六

呈報挑挖鐵里河工竣會委驗收請鑒核給獎文.....一六至一七

附河南省長公署指令.....一七至一八

呈報修理惠濟河雙龍裴村利濟三橋工竣日期文.....一八

附河南省長公署指令.....一八至一九

會呈驗收惠濟河雙龍裴村利濟三橋工程文.....一九至二〇

呈報擬議拆毀破廟改建永濟渠橋梁文.....二〇至二一


附河南省長公署指令.....二一

呈報擬就附城堤改築爲寨并挖濠建築寨門文.....二一至二二

附河南省長公署指令.....二二

卷 下

呈報籌畫擴充工廠辦法文.....一至三



附河南實業廳指令.....三

呈報設立婦女織布傳習所成立日期文.....三至五

附河南省長公署指令.....五

附河南實業廳指令.....五

呈報設立代換所成立日期文.....六至七

呈報擬將草辮傳習所改組為草帽工廠文.....七

附河南省長公署指令.....八

附河南實業廳指令.....八


呈報擬籌擴充鄉區婦女草辮女傳習所文.....八至九

附河南省長公署指令.....九至一〇

附河南實業廳指令.....一〇

呈報擬將城濠灘地改為畦桑苗圃文.....一〇至一二

附河南實業廳指令.....一二



呈報先後修理平治道塗情形文……………一二至一三

附河南省長公署指令……………一三

附河南實業廳指令……………一三

呈報創辦實業講演團文……………一三至一八

附河南省長公署指令……………一八

呈報籌款購置機器試辦鑿井文……………一八至二〇

附河南實業廳訓令……………二〇至二一

呈報開辦趙虎社第一小區楮皮崗鑿井日期文……………二一至二三

附河南實業廳指令……………二三

呈報推廣美棉辦法請頒發脫里司棉種文……………二三至二五

附河南實業廳指令……………二五

呈報籌款興學辦法文……………二五至二八

呈報整頓擴充教育各事項文……………二八至二九

附河南教育廳公署指令……………二九

呈報擬議擴充學務情形文……………二九至三一

附河南省長公署指令……………三二

呈報擬議建設模範村開摺呈請鑒核文……………三二至三七

附河南教育廳指令……………三七

呈報停辦鑿井傳習所改爲鑿井局文……………三七至三八

附河南實業廳指令……………三九


呈報水利分會成績及進行辦法文……………三九至四一

卷後附件

臨潁縣教育計畫書本年教育之計劃……………一至一八

民國十一年教育計劃……………一八至二五

民國十二年教育計劃……………二五至二九



雍邱政牘卷上

紹興石 亮炳南輯錄

雍邱韓東峰曉巒參校

呈請濬挖惠濟河並擬具章程圖說文

爲呈報事竊查縣屬縣境北舊有惠濟河一道上源自中牟縣賈魯河分支歷開封陳留由陳留畢家橋迤東入屬縣境內綿亘六十餘里下至王庄地方出境入睢縣柘城鹿邑直達亳州之渦河匯於洪澤湖該河開始於乾隆五年用以分賈魯河異漲之水及排洩豫東十餘縣之積潦嗣因嘉慶二十四五等年馬儀工決口黃水漫溢河身間有淤墊道光二十年二十三年祥工中工兩次漫水該河大半淤成平地至同治七年李公鶴年撫豫以豫東各縣及省垣之水無從宣洩復通飭豫東沿河各縣重將惠濟河濬挖此事卽在屬縣查知事任內者民現存皆能傳述知事檢閱舊卷當查前縣挖河時又就屬縣黑木焦喇韓店秦奉等社至山頭社開掘永濟渠一道計長三十餘里

雍 邱 政 牘

引入惠濟河據故老言稱自同治年間挖河之後屬縣境北二十餘年無有水患其效力之大已可概見後至光緒十七年經屬縣知事鮑令又將永濟渠及惠濟下游重挖一次至今垂二十餘年渠既失修河益淤墊每年夏秋淫雨民田被淹不可億計知事到任以來因公赴鄉俯相地勢竊以濬挖惠濟河誠爲當務之急顧以事關數縣未敢猝舉乃本年四月間有省委測河吉委員到境據云乾隆年間開挖惠濟河時卽就開封城水門洞外修乾河涯一道至高家樓入惠濟河用以洩城內積潦同治年間豫撫李公鶴年重挖惠濟河時卽係將乾河涯挑濬當時甚資利賴從茲以後河身每歲墊高迄於現在開封城外河道高於水門洞者數尺每有大雨不惟城內之水不能外出反致城外之水倒灌城中故近來水門洞常年堵塞不能流通去年夏月天降淫雨城中城外溝濠皆滿無從宣洩城關損毀房屋以數千計現奉

省長委任實地測量以期濬挖云嗣吉委員測量竣事復行過境知事詢以測河情形據云現時河底雖高河面尙寬爲工較易如再遲數十年後費工卽已甚巨且現時河底高處有較河外窪地尙高者如不趕緊興修沿河民田每歲雨水稍大恐不免被淹

云云自委員去後果於今年七八月間連次大雨西北上游之水普漫而來沿河各村
 民田多被淹沒當水流正緊時各社村人民徹夜堵防往往鬪毆搆訟知事屢次下鄉
 勸諭水災父老皆環集訴苦相向咨嗟知事諭以連年水患實由惠濟河淤淺所致今
 夏

省長已派委測河將來總可溶挖百姓聞言之下率皆喜形於色入秋以來知事迭於
 縣北各社紳董會議挖河辦法云挖河除患民情極爲歡忭惟是工程浩大實未免
 畏難之心知事伏查舊卷惠濟河曾於同治七年光緒十七年兩次挑挖一當捻匪擾
 亂之餘一當國庫充裕之日皆係由民出夫不給工資現時軍用浩繁地方興革大端
 一一俟國庫撥給能辦尙復有幾自應率由舊章由民赴工知事謹擬定章程繪具圖
說如蒙照准請通令沿河各縣一律溶挖知事擬於舊歷十二月以前先將永濟渠挑
溶以俟舊歷明年正月下旬再於各縣同時興工約以六十日期間將惠濟河溶挖完
畢一則舊歷二三月間農民尙不甚忙此時興工所占農時無多再則此時惠濟河水
尙未涸前知事赴鄉蒞勘時量河水深六七寸至二尺不等往常此河本無有水實緣

今年水大所致必待冬令水涸明春方能作工三則各縣有一冬之預備所有辦法必已籌措完備不致臨時猝忙以上所有濬挖河渠緣由及章程圖說理合一併呈覽是
否有當伏乞

憲台鑒核批示祇遵除分呈外謹呈

計呈杞縣濬挖惠濟河章程一扣 河圖一張


杞縣濬挖惠濟河章程 挑永濟渠章程附

一濬挖惠濟河其形式寬深尺度如左列

甲河面寬八丈 乙河底寬五丈 丙河深一丈五尺 丁兩岸灘地各留二丈五尺

戊隄高八尺 已堤根寬一丈六尺頂寬六尺

二勘明惠濟河由陳留交界之畢家橋入境至睢縣交界之王庄止計長九千七百七十四丈茲以三十二丈五尺爲一段以三十段爲一灣其畸零之數卽併歸起止處之段每段應分配人夫若干俟各紳董將各村應行赴工農民調查有約數時再爲分配
三濬挖惠濟河所有作工及監工之人如左列




甲作工者農民 乙監工者每一段派工長一人以正副村長或年長識事者充之每一灣派董事一人副一人以社長或紳士充之再由本公署選派紳耆四人爲監事員以便巡視工程并與沿河鄰封兩縣人員接洽 丙測量員一人由本公署選派精於測繪者充之

四同治光緒年間兩次挖河皆由民間接畝出夫每有地二十畝出夫一名茲仍按照舊章辦理其支配之法如左列

甲有地十五畝以上二十五畝以下皆以二十畝論 乙有地十畝以上得以兩家合出工夫一名 丙地主願出資雇工者均聽其便 丁地已當出地主與當主各認其半 戊每一段正副工長一人可當工夫五名之數每一灣正副董事一人可當工夫十名之數

五本年兩次霖雨惠濟河宣洩不及暴漲以白坵黑木秦奉韓店蒜木呂興溝陵山頭元寨五里趙虎花園葛堰晁村十四社被災較重茲仍按照舊日習慣除飭該一十四社人民赴工外其距離惠濟河較遠之二十二社現商闔邑紳董議由該二十二社按



等出資在於白坵等社被災較重之區僱夫挑挖似此以工代賑救災開河實爲兩得
六所有挖河需用一切鐵木皮麻器物均由人民自備

七此次濬挖惠濟河爲保護農田起見係一勞永逸之計如有各社村人民不顧大計
抗不赴工時准由各該社長村長指名稟究

八本章程第三款所列各人員除監視員及測量員應給與薪資或夫馬時由本公署
籌備外其他一應皆盡義務

九河上作工人民因於工作如有口角鬪毆情事由各該段工長及該灣董事秉公理
處如有不服由該灣董事送縣公署辦理

十濬挖之時期擬以舊歷明年正月下旬動工須於六十日內工竣

十一挖河工竣時所有河工出力人員應給與褒獎由本公署彙呈 上憲核奪

十二本章程第三款第四款六款第七款第八款第九款之規定對於挑挖永濟渠皆
適用之

十三永濟渠形勢寬深尺度如左列

甲渠面寬六丈 乙底寬二丈五尺 丙渠深一丈二尺 丁兩岸各留灘地一丈五尺 戊堤高八尺堤根寬三丈頂寬一丈

十四挑挖永濟渠赴工人民仍按照往年習慣以該渠經過之社人民赴工

十五挑挖渠之時期擬以本年舊歷十月須於三十日內工竣

十六本章程由


上憲批准施行其有應行變更之處各紳董會議妥協得臨時聲請

河南省長公署指令

據呈已悉該縣今歲霖雨爲災民田多被淹沒正宜及時籌備以利宣洩該知事倡率有方殊堪嘉許所擬章程亦屬妥叶除由本公署令行開封陳留睢縣柘城鹿邑淮陽沿河各縣仿照所擬辦法籌議挑修外仰卽隨時咨會各該縣統籌辦理並乘此農隙先將境內永濟渠提前疏濬以泯水患而利農田圖及章程存此令

呈報惠濟河工將竣并擬添築橋梁增設洞閘文

爲呈報事竊維河流貴在深通而隄防彌資鞏固民事固應兼顧而遠患尤宜預防查



雍

邱

政

牘

屬縣惠濟河綿亘五十餘里計長九千七百七十四丈自春間疏濬以來由各社分段致力計畝任役莫不踴躍趨公知事親詣河干數十次隨處指導督促進行雖再四翻工民無怨色惟通許寄庄戶應分之五十餘丈屢經交涉尙未挑挖外凡屬杞工無不一律告竣統計河面濶八丈深一丈五尺水深三四尺不等灘濶五丈隄高八尺堤根濶一丈五尺頂濶八尺較原定尺度約加四分之一先後百日遂成境內巨工本擬遵飭報竣因通許寄庄戶應挖工程迄未妥商現時值麥秋農事爲重不得不暫行停工以便收穫俟麥忙期過卽行設法解決惟是大河前橫則南北交通諸多困難查全河舊有橋梁六座年深日久均歸坍塌土木旣敗磚石無存庀材鳩工籌措不易且相度河勢非建築大橋八座不足以利行人而便農畝除裴村唐寨兩橋業經次第興修外其餘均已設法勸募力促動工又知事前濬之永濟渠因堤形勢同墻垣兩岸附近坡水無復洩入勢必積淹爲患現擬將舊有各坡水洩入該河之處多挖涵洞添設閘門以資蓄洩今惠濟河工較渠爲鉅水勢曲折支流岔集擬仍挖洞添閘務求完備異日橋梁穩架洞閘增設河流深通隄防鞏固雖至夏秋之交大雨時行亦足以兼容並納

雍

邱

政

牘

而無漫溢淤塞之患矣所有河工將竣麥忙停工並擬添築橋梁增設洞閘各緣由是
否有當理合呈請

憲台鑒核示遵實爲公便除分呈外謹呈

河南財政廳指令

據呈已悉查該縣河工將竣仍擬添築橋梁增設涵洞閘門具見該知事關心水利辦理得宜殊堪嘉慰既據分呈仰候

督軍兼省長暨實業廳開封道尹批示可也此令

呈報挑濬永濟渠分工丈尺及開工日期文

爲呈報事竊屬縣濬挖愚濟河兼挑永濟渠當經擬定章程繪具圖說呈奉

鈞署省長指令照准并飭先將永濟渠提前疏濬等因在案知事遂於上月十三日督同縣

紳下鄉邀集沿渠各社首事人等先就永濟渠逐段丈量惟該渠上游係陳留蘭封兩縣有小河四道至杞境之焦喇社歸併永濟渠因之水勢浩瀚前定濬挖永濟渠章程面寬三丈底寬一丈五尺恐難承受上游之容量當與承挖各村人民商定仿照惠濟



雍 邱 政 牘

河寬狹辦理而寬六丈底寬三丈深入八尺以利宣洩各人民頗有難色經知事再三開導曉以一勞永逸之利害勉以衆擎易舉之大義僉各允從并挖成之後河堤兩岸勸令各地戶栽種柳樹以固堤岸所有利益仍歸各戶享受由官保護現已按段分工據此次挖河章程永濟渠原以沿渠之焦喇秦奉黑木韓店蒜木山頭六社人民赴工查該渠起於焦喇社圍張村訖於山頭社唐寨村共五十二里有餘計長九千三百五十三丈按社分配計焦喇社分工一千九百七十八丈秦奉社分工一千五百五十丈黑木社分工二千九百七十丈韓店社分工一千一百七十五丈蒜木社分工一千一百四十丈山頭社分工五百四十丈茲已於十一月二十四日開工挖濬預定一月工竣除由知事隨時蒞驗認真督工并委派在事各員親臨監工外所有挑濬永濟渠分工丈尺及開工日期理合呈報

憲台鑒核容俟工竣再行呈請委員驗收除分呈外謹呈

河南省長公署指令

據呈籌挖永濟渠分工丈尺及開工日期等情已悉仰卽如擬辦理勒限竣事報查此

令

呈報永濟渠惠濟河工竣請派委驗收文

爲呈報事竊維將求樂歲以興水利爲前提欲澹沈災惟溶河渠爲急務杞境地勢寬平東北尤下自惠濟永濟兩河先後淤塞每歲夏秋之交積潦橫流淹沒禾稼加以西北渠塘諸水不時漫溢十年之中爲患八九縣北苦之縣東亦然自去歲奉

憲台省長訓飭疏濬永惠兩河測量高下指授方畧知事與闔邑紳耆暨水利分會職員再

四商確積極進行又以永濟居惠濟上游欲暢洪流先疏支派自七年十一月挑挖永濟渠今春三月乃克告成而惠濟一河經行豫東數縣形勢尤濶綿亘尤遠在杞境者計長五十餘里自今年二月下旬開工迄於六月始獲藏事統計兩河之濬比戶抽丁萬衆齊力歷時九閱月糜款約二十萬其間分程劃段勸役動工農民殫其辛勤紳董勞其督率祁寒暑雨民無怨咨父詔兄勉義無返顧而且隣封多交涉之煩土棍有阻撓之舉莫不隨時接洽極力疏通先後呈報各在案工竣以來添建橋梁開關涵洞亦復奔走經營罔聽懈弛此皆

憲台省長訓諭之詳紳董稟承之力非知事一人所能任也尤可慰者前月大雨時行越二日夜兩河水勢一概平漕不數日間漸歸消涸藉非水有所洩何以至此而西北十二社居民見水勢溥漫而來異常警懼未及盡日水卽就下秋禾尙未損害由是闔邑稱慶咸知我

雍 邱 政 牘

憲台利民之善政濬河之深仁一勞永逸家讎戶頌所有全河工程於七月十日一律告竣兩河橋工統計十四座業已新建四處涵洞約計四十餘處現已告成十餘處除俟建築完工另文呈報外所有全河工竣日期理合繪圖貼說並將在工出力人員另摺開列呈請

憲台鑒核俯賜派委驗收實爲公便除分呈外謹呈

河南省長公署指令

呈及圖摺均悉據報該境惠濟河永濟渠工程皆已告竣至堪忻慰仰候派委驗收以昭核實圖摺存此令

呈報挑挖睢河圈河開工日期文

雍

邱

政

牘

爲呈報事案查杞邑挑挖永濟渠工程完竣業經呈報在案茲以該渠迤西舊有睢河一道長一千四百四十丈迤南有圈河一道長一千一百十五丈均與該渠連接當時以永濟惠濟兩河工程浩大未暇興修現值農閒自非開工挑挖仍不足以資流通而禦水患知事當卽於本年十一月赴鄉察勘地勢并召集該區社紳會議挑挖討論結果各無異詞遂於本年十二月一號開工分段挑挖所有兩河工程統限一月內一律告成除俟工程完畢另行呈報外所有杞邑挑挖睢河圈河開工日期理合具圖呈請鑒核備案再查圈河位置全係杞境自應由杞完全担任惟睢河迤西內官營村係屬陳留縣境管轄理合呈請

憲台訓令陳留開工挑挖俾便銜接以免汜濫實爲公便除分呈外謹呈

計呈杞縣挑挖睢河圈河圖一紙

河南省長公署指令

據呈籌挖睢河圈河業經一律開工限期竣事等情該知事熱心提倡殊堪嘉尙其睢河迤西內官營一段候令行陳留縣同時舉辦可也圖存此令

會呈驗收惠濟河工程文

爲會呈事竊委員瑞委員敦於九年八月十三日接奉

局長水字第五百五十九號第一百六十號委任內開案查開陳杞睢柘城等縣惠濟河應修工程節經各該委員會同縣知事督飭興修陸續告竣除開封縣業經驗收不計外其餘各縣河工急宜派員驗收以昭核實除分行外合行令發驗工表一紙仰該委員等攜帶儀器會同該知事親詣惠濟河岸按照原定度數切實驗收列表呈報如有工程草率及坍塌積淤情形着速集紳估計督飭補修務期上下游一律通利暢行無阻勿得稍涉敷衍致負委任切切此令等因奉此委員等遵卽束裝起程先將陳留縣河工驗收另案會呈復於八月二十三日由陳留舉家橋起馳入杞境查勘杞縣惠濟河上游工程知事先期聞信當卽親至該境會同委員等沿河履勘逐處測量至杞縣北馬頭橋止二十四日接由下游馬頭橋起至睢杞交界之王庄止統計全河綿延五十四里有奇長九千七百七十四丈河口寬八丈底寬五丈深度一丈五尺兩岸隄高各八尺隄根寬一丈六尺隄面寬八尺兩岸隄長與河之尺度相比且與原定度數一



雍

邱

政

牘

一符合無稍出入並無草率坍塌淤積之處統計該縣河隄兩工除舊有不計外新築新濬者共土工一百零一萬三千五百六十四方若按民價每方三百文估計應需工錢三十萬零四千零六十九串二百文惟因純係民力之故公家得以節省鉅款而地方又得實受厚益公私兩利深堪慶幸查此次河工自民國七年奉令籌濬以來屢經派委會同沿河縣知事商確辦法經畫數月以需費浩繁無所措手即半資民力半出公家國庫亦無此巨款可資挹注當經知事與杞邑紳民再四協商援照前常同光時舊例一槩按畝派夫藉資民力仰蒙省憲照准並訓飭上下游各縣一律仿照籌辦是以杞民趨工較他縣爲獨先告竣亦較他縣爲獨早自八年二月起至七月止該河遂竣全功除舊有英庄馬頭二橋從事補葺外並次第建修白坵唐寨裴村大橋三座先後呈報各在案是皆闔邑紳民急公好義與在事員紳堅忍勞瘁始獲有此成績且是河爲全境幹流其直接受益地約一萬頃因此河告成而縣北睢河圈河永濟渠諸水均得有所排洩不至漫溢其間接受益地又約七千餘頃統計不下一萬七千頃左右並由知事於沿岸灘上徧種短柳一萬二千株以固隄防業經一律成活條達暢茂而

灘上隙地無礙河隄者復令沿河村民徧種美棉三十頃歲可增加十餘萬收入委員等一再查勘杞縣惠濟河由該縣首倡藉資民力辦法俾得衆擎易舉而一切工程亦復深通堅固名實相符除將各項情形逐一照表填列外所有會同驗收惠濟河河工緣由理合具文呈請

局憲鑒核轉請備案實爲公便謹呈

河南水利分局局長閣

呈報挑挖鐵里河工竣會委驗收請鑒核給獎文

爲呈請事案查杞邑南鄉瓦堰社舊有鐵里河一道載在志書西北與陳留接壤上游自尹庄起下游至東南前王窰村止與太康縣境黃巢崗毗連中有梁庄小許灣大許灣小李莊大李莊宋花園常營韓戚楊後王窰中王窰前王窰等臨河十二村長約十一里許共計一千六百丈有奇因年久淤塞每逢霖雨徧地汪洋秋禾履被淹害前宣統三年間經常營村紳董卽現在省議會議員常三省創議濬挖邀集各村董事公議按地出丁分段做工補助一切經費由該紳獨力擔任並不攤派各村稟經前署縣賀

雍

邱

政

牘

知事出示曉諭各村董已承認開挖曾經開工分段挑濬在案旋因民國起義地方多故因而中輟未報竣工本年夏間大雨滂沱該處又遭水災秋收被淹常議員三省重復提議疏濬鐵里河以資宣洩經知事邀集社長李贊禹常東元以及十二村村長仍照前議辦法按地出丁每地一畝派工三尺經知事親往履勘按村分段並出示布告分諭各村董事會同辦理河面寬三丈底寬一丈五尺一面咨會太康縣知事於下游黃巢崗入境之處接續開挖以資疏通前項河工業已一律完竣前奉

鈞署委員王瑞徵來縣勸辦疏濬惠濟河當經知事會同王委員前赴鐵里河上自尹莊下自王窰村週歷履勘委係一律工竣於會呈文內聲明在案查該紳等僅以十二村人民開挖河渠至一千六百餘丈實屬熱心公益殊堪嘉尙理合呈請

憲台鑒核請獎給常三省李贊禹常東元一等獎狀各一紙以示鼓勵實爲德便除分呈外謹呈

河南省長公署指令

呈悉此次挑挖鐵里河一律通暢所有在事出力之常三省李贊禹常東元等准各給


予一等獎狀以酬勞勩而資鼓勵獎狀隨發仰轉給祇領可也此令
呈報修理惠濟河雙龍裴村利濟三橋工竣日期文

爲呈報事案查杞邑擬修惠濟河橋梁八座業經呈明奉令核准在案知事當卽相度
河勢先從南北通衢入手將陳杞交界之雙龍橋睢杞交界之裴村橋惠濟河適中之
利濟橋先後開工各橋均係三孔高大足能行舟首由知事每橋創捐大錢五十串文
餘由各花戶樂捐籌集所有捐款均各分別榜示并建立碑記以垂永久茲已於八年
十二月二十號一律告竣其餘各橋刻止分別籌建除俟辦有頭緒另行呈報外所有
杞邑修理惠濟河雙龍裴村利濟三橋工竣日期理合具文呈請

憲台鑒核備案再查此次修理橋梁該社首段培琛孫復康鳩工庇材勞怨不辭朱匯
海籌募款項備嘗艱苦監修數月卒底於成均屬異常出力可否均請發給一等獎狀
以資勸勉之處合併陳明除分呈外謹呈

河南省長公署指令

呈摺均悉仰候令行水利分局派委驗收查明在事出力紳首再行酌給獎勵以昭覈



實摺存此令

會呈驗收惠濟河雙龍裴村利濟三橋工程文

爲會呈事竊委員○○於二月三日接奉

局長水字第一百號委任令內開案奉

省長公署令開云云以憑核轉給獎此令等因奉此委員○○遵卽馳抵杞縣會同知事○親詣河干次第勘驗查惠濟河自陳留畢家橋東入杞境至睢縣界王莊出境上下綿長五十餘里自八年重濬之後其南北要衝應修橋梁八座而以現經告成之雙龍橋利濟橋裴村橋尤爲切要委員○○與知事○於二月八日乘勘驗永濟渠暨睢圈二河之便自西而東勘得雙龍橋在白坵社羅寨村東長八丈寬二丈五尺高一丈八尺下留三孔皆長方形上架厚板旁樹木欄均極完善利濟橋在山頭社唐寨村北長八丈寬二丈高一丈四尺下留三孔爲橢圓形通體用磚勢極堅鞏裴村橋在呂興社之裴村店北長七丈五尺寬二丈五尺高一丈六尺下留三孔上架厚板旁樹木欄與雙龍橋同而慘澹經營亦異常鞏固以上三橋均工堅料實足資久遠而交通便利



尤爲遠近居民所欣幸以故倡捐募資莫不踴躍解囊而在工員紳亦皆奮勉督功不辭勞瘁所有會同驗收惠濟河橋梁三座情形除逐項照式詳悉填表外理合具文呈請

局長鑒核備案實爲公便謹呈

河南水利分局局長

呈報擬議拆毀破廟改建永濟渠橋梁文

爲呈請事竊屬縣永濟渠自去冬因雪停工後於本年陰歷正月二十日繼續開工業經呈報在案嗣以農事日迫河工緊要知事赴鄉督催沿渠履勘所有未完工程指日可望告竣惟該渠當同治年間初濬時因橋梁太少交通困難車馬行人大率越河來往踐踏日久夷爲坦途漫溢之患卽由於此此次興工舉凡舊日橋梁不惟概行頽壞甚或遺址無存勢非相度形勢分別建設不足以利交通而期持久茲查該渠附近村莊不在祀典之破廟所在多有年代浸遠住持無人風雨剝蝕半就傾圮存之則易藏宵小廢之則可濟民艱因而酌其緩急權其輕重擬令分別拆毀改建永濟渠橋梁十

雍

邱

政

牘

座當卽召集各社紳首剴切指陳詳細商酌莫不極端贊成絕無誤會所有擬議拆毀破廟改建永濟渠橋梁各緣由是否有當理合呈請

憲台鑒核俯賜指令祇遵實爲公便再建築該渠橋梁臨時費用擬另行設法籌措以資彌補合併陳明除分呈外謹呈

河南省長公署指令

據呈拆毀破廟改建永濟渠橋梁業經各社紳首極端贊成等情事係因公應卽照准仰速督飭進行以竟全功勿延此令

呈報擬就附城堤改築爲寨并挖濠建築寨門文

爲呈報事案查杞縣連年水災歷經呈報在案而城廂一區地勢低窪一遇水患被害尤巨去歲夏季大雨萬流奔赴直趨城垣城牆倒塌交通隔斷五關街市頓成澤國商民損失爲數甚巨推原其故一由於地勢窪下一由於雨量過多查杞邑距離城垣二里許舊有土堤一道年久代湮失於修理其堤外之地勢則較諸堤內平面高度約出一丈水性就下歷年被災端由於此惟人民習於苟安寧爲水來築堤墊路之計不

雍

作先事預防之謀遂致每逢大雨堤口數十處皆被水冲決廢棄日久破堤實難抵禦知事現將堤口四十三處均已堵塞完固惟堤不甚高雨水過大仍恐難免危險現已邀集城鄉紳商會議并擬改堤爲寨討論結果均表贊同首由商務會捐錢五百串鄉紳胡樹仁捐錢二百串作爲修理寨門經費遂卽雇匠估工約計每一寨門需工價木料錢一百五十串以五關五堤口寨門合計共需錢七百五十串其需用磚瓦擬將就近廟宇擇廢拆毀移用不敷之數再由知事隨時募籌茲已定於七月十五日開工先行修理寨門俟農隙之餘再行邀集城鄉民工合力築寨挖濠分設橋梁預定四個月工竣除俟工竣另行呈報外所有杞邑原有護城大隄年久失修改築土寨以防水患各緣由是否有當理合備文呈請

牘

政

邱

鑒核批示祇遵實爲公便除分呈外謹呈

河南省長公署指令

據呈擬就城垣附近土堤改築爲寨業經紳首贊同捐款開辦各等情應准如擬辦理仰速督飭進行以除水患而澹沈災此令

雍邱政牘卷下

紹興石 亮炳南輯錄

雍邱韓東峰曉巒參校

呈報籌畫擴充工廠辦法文

爲呈請擴充貧民工廠擬具辦法懇予鑒核照准事竊查縣屬貧民工廠自民國三年開辦至今業經畢業兩次所織各種物品均經呈驗蒙指令獎許各在案知事竊維貧民工廠一項於嘉惠窮黎之中仍寓有發展工業之意關係國計民生至爲重要屬縣此項工廠開辦既有年所若不逐漸擴充則設施幾同夫印板卽利益難普於社會前於奉 憲台第二一九號指令 案內諭以當就現有工廠設法擴充知事曾經邀同該廠總理段瀛洲廠長王孝陞并各紳董人等磋商辦法茲將議定擴充工廠計畫具陳如左(一)貧民工廠宜增設多處以期風氣普及也查杞境地方遼濶城內僅有工廠一處其距城較遠地方殊難蒙其利益茲擬於城外四鄉適中地點設立四處日後如

雍

邱

政

牘

能營業發達再爲增設（一）營業資本擬籌撥公款兼收入民捐以期基金雄厚也查縣工廠舊有款項純係公款每年約計一千六百餘千文如再爲增設擬即另就地方可以騰挪之欸設法撥充如有地方紳商願爲捐助仍按照捐款數目予以報酬其報酬方法另以細則定之或按照頒行褒揚條例呈請獎勵（一）營業計畫擬仿照直隸高陽辦法以期不致資本虧損也查直隸高陽一縣其織布營業最爲發達茲擬仿照高陽布辦法四鄉既有工廠觀摩自易如民間學習成熟即可自造木機工廠內即設發線處所准民間自由領取領線繳布按布之丈尺給以工資如此出布之額數必較往年超過數百倍即營業資本亦不慮其虧折而鄉間之工業藉以發展（一）增設之工廠所有職員即選用前兩次畢業各生以期獎勵實行也查工廠所有學徒多係無業貧民畢業之後雖可自由營生每苦缺乏資本茲擬添設工廠將舊日畢業學徒選其成績較優無甚資產者委作技師及供職各員俾民間知有實在用途入學觀感必能奮興即在學學徒亦必爭自鼓勵凡教練及整頓之法均易施行以上四項知事與各該紳等籌畫擴充工廠辦法是否有當理合備文呈請

憲台鑒核俯賜訓令施行除分呈外謹呈

河南實業廳指令

據呈已悉查閱規畫擴充貧民工廠辦法關於工廠營業計畫以及獎用工徒各條甚屬妥善自應准行該知事辦理工廠成績卓著節經本廳嘉獎在案如能再照所陳各節切實整頓辦理該縣工業發展實有厚望仰仍將籌辦增設四鄉工廠及紳商集款情形隨時具報以憑查攷此令

呈報設立婦女織布傳習所成立日期文

爲呈報事竊維振興工業莫要於織布織布一科尤利於女工是以我國男耕女織自古爲重杞邑素產棉花婦女向習紡織對於改良織布實爲目前切要之圖惟事關婦女家庭之習慣不易改革設非悉心籌畫竭力提倡不足以資改良而促進行欲求婦女織布改良首在培養師資培養師資必先設所傳習以便仿效前經召集闔邑紳董會議同衆表決於城內舊公款局地址設立婦女織布傳習所一切仿照新法首由商務分會會長段培真勸捐大錢三百串作爲開辦經費其常年的款知事擬卽由稟准

雍 邱 政 牘

縣民范國昌侵種無住持廟地四十畝變價補助不敷之數再由知事另籌并同時議定招考辦法按縣屬三十六社及城內五門分爲四十區每區一名計共招學生四十名分作兩班辦理每班二十名均以六個月爲卒業期限卒業以後擬每社設立分所卽派爲各社分所織布女工教師以資推廣至該傳習所需用原料擬暫由縣城第一貧民工廠借用學習紡織一俟前會呈明官商集股之棉線代換所已由上海定購大宗紗線購到卽改向代換所取用織成布疋所有應得工資以一半充作雜費一半充作各生獎勵如此辦理則土貨可以暢銷不至利權外溢庶各生卒業後得向代換所領取棉線織成布疋按尺發給工資毋庸自籌資本亦毋庸官款補助一舉兩得莫善於此現在該所業經於本年一月十六日成立除隨時另文呈報外所有杞縣設立婦女織布傳習所成立日期各緣由理合造具預算表暨各女生姓名清冊并簡章呈請憲台鑒核備案實爲公便再知事呈呈舉辦四鄉貧民分工廠亦已次第就續現由代換所赴申定購大宗紗線大約明年陰歷二三月間准能開工合併陳明除分呈外謹呈

計呈送

杞縣婦女織布傳習所預算表一件

杞縣婦女織布傳習所學生清冊一件

杞縣婦女織布傳習所簡章一件

河南省長公署指令

據呈已悉該知事提倡家庭副業籌組婦女織布傳習所并由官商集股購紗交換成品俾無資貧民堪資工作具見規畫有方自堪嘉尚仰即查照認真辦理以期普興工藝而厚民生所送章程表冊仍候令行實業廳核飭遵照附件此令

河南實業廳指令

呈及附件均悉查婦女織布原屬家庭工業興辦既易爲利亦溥該知事悉心籌畫竭力提倡邀紳募款大加改良具見熱心勸工洵堪嘉尚應即早日成立認真辦理俾邑中之婦女謀生有道求食有方不惟家庭工業發達即經濟充裕風俗良善胥是賴焉所擬簡章尙屬可行經濟預算亦爲核實呈請備案自應照准仰即遵照附件存此令



呈報設立代換所成立日期文

爲呈報事案查縣屬織布工廠暫行辦法條規第四條規定於縣內設立代換所一處凡各工廠領線織布換給工資均向代換所交易業經呈明在案茲於本年七月業將代換所於城內北大街組織成立并委任股東陳運禮充任代換所所長所有縣屬各工廠領線織布定等發給工資均責成該所長妥慎辦理因之各工廠向該所領線織布者絡繹不絕惟查該代換所之設迹雖近於營業實爲開通風氣藉圖織布之發達究與他種營業性質迥異所有該所賃房僱人運線銷布一切化費爲數甚巨若聽其自行開銷恐有虧折股本之慮且指日工廠林立股必增加若各股東見無紅利再行招股勢必爲難知事以此遂與闔邑紳首會商僉以爲此項代換所卽爲開通風氣而設將來三十六社男女各織布廠次第開辦均能領線織布取用工資並無資本卽能成立比較官款培植工徒成效尤速不數年全縣布廠卽能普及開辦之初似應稍資補助以固股本各股東稍得紅利再籌股款必能異常踴躍討論結果各表贊同遂決定每年由公款項下補助錢四百八十串文按月具領以資彌補一俟該所三年後營

業穩固卽行截止以重公款所有縣屬籌設代換所開辦情形暨成立日期理合具文呈請

鑒核俯賜指令祇遵實爲公便除分呈外謹呈

呈報擬將草辮女傳習所改組爲草帽工廠文

爲呈請事竊查屬縣自民國六年間開辦草辮女傳習所已歷三年廢續畢業者共計四班計學生一百一十三名按全縣三十六社平均分配每社可得工師三名用資傳授已屬不少惟杞縣交通閉塞各工徒畢業後所製草辮旣不便運銷他處又無客紮莊購買學者恒視爲無用流傳因是而不廣現擬將草辮傳習所改組爲草帽女工廠用前原款收買草辮製成草帽發售各處俾編製草辮諸女工得有銷路習者自必日多似於工藝前途大有裨益除俟辦有成效再行籌款擴充並將詳細辦法擬具簡章附呈外所有擬將草辮女傳習所改組爲草帽女工廠各緣由是否有當理合呈請憲台鑒核俯賜指令以便遵循除分呈外謹呈

河南省長公署指令



據呈已悉該知事擬將草辮傳習所改爲草辮工廠係屬擴充銷路提倡女工起見尙稱妥協仰卽查照認眞辦理并將遵辦情形隨時報查仍候令行實業廳核飭遵照摺存此令

河南實業廳指令

呈及附件均悉查工廠之設原可因地制宜該縣草辮女工傳習所開辦迄今已歷三載畢業已達四班成品尙屬優良呈稱銷路閉塞流傳不廣擬改草辮女工傳習所爲草帽女工廠等情自屬可行惟用原款收買草辮製成草帽各節似欠完美何不竟在本廠設製辮料然後由麥楷而草辮由草辮而草帽待本廠草辮不足時再向外購以補足之豈不更善仰該知事卽便遵照指令事理將所擬章程稍事修改尅期呈廳以憑核飭遵照切切此令

呈報擬籌擴充鄉區婦女草辮女傳習所文

爲呈報事竊維草帽辮一項原料出之田間工作成於婦女爲家庭良好副業若不積極進行坐失大利殊爲可惜知事前擬設立草帽工廠業經呈明鈞署查核在案現在

該廠應用各種機器已由知事派員赴滬購買到縣不日即可開工惟是該廠開工以後需用草瓣孔多若僅恃前辦傳習所畢業各生自由編造殊不足以資應用而期發展茲擬將婦女草瓣傳習所擴充十處仍按舊日選舉區域每區各設一處藉資提倡而廣流傳俾令各傳習所製成草瓣統銷售於草帽工廠由該廠按照時價給值如此辦理在工廠既不受取材易地之感在各傳習所亦無費用不售之憂且於通融便利之中仍寓有提倡勸導之意一舉兩得莫善於此現擬將縣屬十區婦女草瓣傳習所統限於三個月內成立五處六個月內一律成立除再另行造冊呈報外所有知事擬籌擴充鄉區婦女草瓣傳習所緣由理合具文呈請

鑒核示遵實爲公便再此次擬辦鄉區草瓣傳習所經費由知事隨時設法籌款補助不由公款動支合併陳明除分呈外謹呈

河南省長公署指令

呈悉該知事擬設草帽瓣工廠購置機器開工編造並勸導鄉區擴充草瓣傳習所藉資提倡經費自籌補助不動公款具見注重工業熱心公益深堪嘉許仰即查照妥爲

規畫以期製品易銷爲要仍候令行實業廳核飭遵照此令

河南實業廳指令

據呈已悉查編製草辦固屬家庭副業果能提倡擴充分區傳習則流傳既廣成品自多更設製帽工廠相輔而行使草辦成品有所歸售製帽材料不患缺乏則此項工業之發達殊有厚望該知事籌畫經營不遺餘力深堪嘉慰呈請各節應准備案仍仰將辦理情形隨時報核此令

呈報擬將城濠灘地改爲畦桑苗圃文

爲呈報事竊維振興實業莫善於養蠶養蠶之本端恃乎栽桑是以孟子有牆下樹桑之訓豳風有蠶月條桑之詩可見講求蠶桑由來最古降及今世國家提倡實業不遺餘力對於養蠶栽桑尤視爲惟一切要之圖杞境土脈肥厚氣候溫和關於蠶桑亟應特別注重以資推廣而興大利惟原有桑園苗圃規模狹隘不足改爲其他官公隙地又爲近年推廣森林演種美棉分別占去是以欲作十畝桑間之計爲村民先導之師恒以無處畦種雖知有利苦莫能興現擬將附城灘地改建模範桑圃惟查屬縣城似

釜底距城里許有護城堤一道年久失修每遇陰雨城濠灘地恒被大水知事現將護城土堤改修爲塞建築郭門復於塞外挖掘深濠以資流通雖大雨時行決不致再由堤口灌入之慮且此項城濠灘地周圍計地七十一畝八分五釐五毫向係五門看守門役自由侵佔并無稅租早等於無主荒田設非力圖改良一任其犁鋤耕種將見濠岸因之而倒塌城根因之而損壞殊不足以固隄防而持永久知事以此項改良刻不容緩遂不時履行勘驗揆度形勢竊以爲於此灘地畦種桑苗卽以城濠之水隨時灌溉可無乾枯之慮計畫既定當卽商諸闔邑紳首僉以爲有此改良廢地爲桑田化無用爲有用均皆贊成遂由知事將該地劃分爲五區先作畦以育桑苗並一面出示購買鮮桑椹一千五百斤爲綢繆未雨之計作徹彼桑土之謀擬俟縣屬蠶桑局職員甲種農校蠶科畢業現派赴金陵大學蠶科寔地講習徐建功等名不日畢業回籍卽按照最新栽桑方法挨次畦種將來栽成桑苗每年發給四鄉各村分種庶數年以後桑林可徧於全境而育蠶諸戶必期於普及除俟辦理情形隨時呈報外所有知事擬將縣屬城濠灘地改爲畦桑苗圃緣由是否有當理合繪具圖說具文呈請

鑒核俯賜指令祇遵實爲公便除分呈外謹呈

計呈圖一幅

河南實業廳指令

呈圖均悉查樹桑養蠶爲當今實業要圖該縣擬將城濠灘地作爲畦桑苗圃藉以提倡實業用意殊堪嘉尙所請擬辦各節自應准予備案惟查各縣均設有苗圃仰即便定名曰桑苗圃以示區別并仰積極進行以期普及本廳有厚望焉圖存此令

呈報先後修理平治道塗情形文

爲呈報事竊維平治道塗古稱要政故欲覘國家文明之程度每視其道塗失修與否以爲衡查杞邑連年被水所有道塗均被冲刷年久失修城廂一區場損尤甚似此情形設非趕籌修補不惟有礙觀瞻亦深屬不便行旅故知事到任以後當卽會同紳商籌設治平局專爲修路雇覓長工先從城內各街修起業經呈明在案旋以城內修補就緒復將城關及東西南北各大路添用鄉民次第修補并於該路兩旁挖濠種柳以資流通而期堅固現已一律修竣惟城關以外距鄰境較遠僅恃治平局修理實屬不



雍

邱

政

牘

數分布故知事以現值農隙復又召集各區區董公議辦法僉以爲工程較大應責由各村村長分段興修衆擎易舉遂各贊同現已分段開工除俟修補工竣另行呈報外所有杞邑前後修理平治道塗情形理合具文呈請

憲台查核備案實爲公便除分呈外謹呈

河南省長公署指令

呈悉察核所擬辦法尙屬妥善仰即督飭趕速修理完竣具報察核事關法案勿任敷衍塞責此令

河南實業廳指令

據呈已悉平治道塗廣栽路柳一縣交通實利賴之仰即督飭各區區董從速修理以期早日告竣實爲至要此令

呈報創辦實業講演團文

爲呈請事竊維實業之興以分送併進爲主而併進之法以巡行勸導爲先有專責以從事經營必有總匯以爲之樞紐而後綱舉目張其事乃井然而不亂日起而有功知



雍

邱

政

牘

事任杞以來本斯宗旨對於實業各項卽日夜研究進行方針并與實業上關係人員共同磋商力求發展其正在籌備中者勿論計業經次第開辦者則有六項

一曰改良鑿井查井泉灌溉之利與川瀆同功事理昭然爲一般國民所易曉杞邑地屬平原既無山脈橫互其間而又不與河渠接近以爲引水灌田之用勢非改良鑿井不足以資灌溉而利民生前者知事遵奉明令於民國七年十一月委任京師鑿井傳習所畢業趙如松等在籍仿行籌辦因而有鑿井傳習所之設現在該所期滿卒業所有開鑿新井及修理廢井多處頗著成績然民智不齊或踴躍以爭先或觀望而不前若非竭力提倡仍恐未能普及近與闔邑紳首討論議改傳習所爲鑿井局挑選工徒充任技師以便四鄉之舉辦則利源開而亢旱可免

一曰推廣美棉查美棉收穫較土棉之利或至數倍屬縣迭奉訓令早經設場試種並將本年收穫實棉情形先後繪圖呈請核驗在案惟查杞邑情形地勢平坦土性鬆和既與播種美棉爲宜然非設法推廣終不足以濟民艱而資應用且目下外貨充盈國貨滯銷推原其故雖由於工業之不良實由於原料之易竭倘能推廣美棉則原料既

多取材自易知事以爲當此講求實業時期欲求其功省而效速實莫過於改種美棉但少數奉行而仿效無多或不免有坐棄厚利之虞現經創設美棉試驗專場委任專門畢業人員責成竭力勸導冀便推行并擬於本年內多購美棉種籽俟來春分發鄉區以資播種而期普及

一曰振興蠶桑查蠶桑爲我國自然之利故樹桑育蠶載在典籍歷年以來得以抵抗外貨者端以此種營業之力爲多杞爲豫東大邑土性既宜於栽桑氣候尤宜於養蠶利本天然何可限量惟人民拘守成法習故蹈常是以對於養蠶向不講究改良關於栽桑亦不力求推廣遂致近數年間桑葉價漲養蠶或有虧本之慮自非積極提倡將何以厚民生而興美利知事有鑒於茲創設蠶桑專局委派通曉蠶桑人員切實籌畫積極整頓併一面刷印淺說告示多張分貼四鄉藉觀成效

一曰擴充工廠查工業爲立國之根本故歐美各國對於工廠設置力求發達幾有日圖不遑之趨勢杞邑幅輿遼濶物產豐富民性柔順風俗敦樸對於織造持久而耐勞關於服用習慣而守舊以之勸辦工廠恰與一般之心理相合然戶口繁庶銷路大啓

一廠之出品實不足以供大多數之需要故知事到杞以來除整頓城區舊工廠外又擬於縣境三十六社各設工廠一處次第開辦以應急需而利推行業經委派安紳分區進行積極趕辦現已成立四處此外復擬添設女工織布傳習所多處以資補助庶於興辦工業之中仍不失調劑窮民之意一舉兩得孰便於此

一曰提倡林業查提倡林業爲近年興辦實業之一種國家既設專處以重責成復辦森林以便仿效明令煌煌對於福民利國之事早經視爲切要之圖杞邑一望平原土壤肥沃五穀而外最宜於樹木故知事於本年春間除闔境勸種三十六萬株外茲復勸募樹秧五萬擬於明春盡栽於惠濟河兩岸數載之後林業之興當可預卜然一人之提倡雖竭盡心力終不能盡地利而無遺故又於籌辦鄉區農會時召集會員諄諄以勸導種樹爲急又復限定株數分區呈報以便不時考查併令每社設立苗圃以便按村發給庶幾野無曠土而利源日闢

一曰勸辦草辮查杞邑素係產麥之區以之勸辦草辮就地取材自屬易易故自民國六年聘請山東萊州府女技師在屬縣城區設立草帽辮傳習女工廠以來每次招生

均形踴躍迄今計算畢業各生已達一百餘名之多以作師資傳習四鄉頗敷分布然非設法行銷則操業者有賈用不售之慮而勸辦者即不免有廢於半途之憂知事有鑒於茲擬就城區草帽辮傳習女工廠內附設一草辮收品處籌集股本多貼廣告勸令四鄉之編草帽辮者羣送來處按等給價酌本酬資藉以資推廣而昭激勸一俟該處收品積有成數再行由處設法行銷各地以期與山東菜渦等處相抗如此辦理庶於振興工業之中兼可爲窮民開一生計現正籌集股款擬以九年一月開辦

以上六項計畫已悉規模已具固可收實效於將來然分道揚鑣而無機關以爲之樞紐恐日久懈生而名義亦幾同虛設前清之季民國以來下縣奉行坐此病者實居多數且國家頒布之科條與學人研究之新法或爲一般人民所不盡解非切實指導無以牖智識而改習慣若專責成各項機關自由進取則不惟難收雷厲風行之效事實上亦確有鞭長莫及之憂知事兼籌並顧再四躊躇竊以言論爲事實之母擬組織一實業講演團令凡具專門學識或素有實業經驗者皆得入團即責成團員將關於鑿井美棉蠶桑工廠林業草辮各方法編成白話赴鄉講演反覆勸告務使家喻戶曉共

瞭然於大利之所在則兼營並進而實業之興將普及於全境矣知事所謂以總匯爲之樞紐者以此所有屬縣創辦實業講演團緣由是否有當除分呈實業廳長財政廳長開封道尹外理合繕具簡章呈請鑒核訓示祇遵實爲公便謹呈

計附呈杞縣實業講演團簡章一件

河南省長公署指令


呈悉所稱提倡美棉蠶桑森林擴充草辦工廠振興水利具有規模擬辦實業講演團分赴各鄉講勸俾家喻戶曉交互勸勉以盡地利起見所支常年經費如果與該縣地方預算並無窒礙事屬可行仰卽查照辦理仍候令行實業廳核飭遵照摺存此令

呈報籌欸購置機器試辦鑿井文

爲呈報事案奉

鈞署
開封道轉奉

省長令開准



農商部咨開查井泉灌溉之利與川瀆同功桔槔見重於漢陰杼井備詳於管子我國沿江濱海之區降雨宏多河流縱貫既雨暘之時若自穿鑿之無庸惟黃河流域年苦旱乾鑿井之事素鮮講求偶遇亢旱卽坐視赤荒興言及此良堪憫嘆若能鑿井汲泉於增殖農產改良土質實有至大之效用本部現擬雇用鑿井工師招集工徒傳習並調查鑿井所需費用另開清單咨行貴省長轉飭各屬廣行勸導開鑿井泉以資灌溉如有願習鑿井新法者可飭派堪任工匠之人來京實習自所需鑿井器械亦應購置一份藉廣傳習等因奉此經前縣知事譚奎昌出示勸諭呈送鑿井工徒趙如松等四名赴京學習及知事到任趙如松等已經畢業回里據稟稱新法鑿井比較舊法頗覺便利卽請籌款購買鑿井機械以便實習俾開通民智廣利農田等情前來知事查杞縣土質尙非瘠薄惟以田間鑿井無多一遇亢旱卽成災荒計惟有多鑿田井以資灌溉於實業前途利賴甚大據稟前情知事卽就地方籌款銀洋二百元於十一月十五日飭付趙如松前往天津購買鑿井機械一架一俟購回實習試辦一面對於農民印刷勸諭鑿井白話佈告二千張廣爲張貼及分給各社各村首事藉資勸導以俟明春

陳釋卽行開鑿先以鑿井新舊兩法互相比較如果新法實在便利或由知事就杞縣地方開辦一鑿井傳習所以廣推行農田得井不獨禦旱有資將來種植亦可逐漸改良惟現在風氣未開大利所在人民視若無視明年開辦之始知事擬撥用縣巡緝隊二十名帮同鑿井工徒與農民鑿井不取工資一則可以開通風氣再者該巡兵學成新式鑿井退伍之後有專技可以從事如將來風氣大開人民知其利賴自必爭先恐後無庸官爲督率除現時者成縣水利分會會長暨各社村首事人等就鄉間切實勸導籌畫進行外所有知事籌款購買機械試辦鑿井各緣由理合呈請

憲台鑒核示遵謹呈

河南實業廳訓令

本年十二月九日案奉省公署實字第一六六二號訓令內開據杞縣知事石亮呈報本年十一月十五日派趙如松赴天津購買鑿井機械一俟運回試辦並勸民鑿井藉興水利檢送布告底稿請核等情除指令據呈已悉鑿井灌溉裨益農田爲當今要圖仰將該縣所購機械作速運回試辦一俟著有成效再行呈請通令規仿以期普及

利仍候令行實業廳核飭遵照布告底稿存此令印發外合行令仰該廳即便核飭遵照來文聲明分呈不再抄發此令等因奉此查此案前據該知事呈報到廳當經指令在案茲奉前因合亟令仰該知事即便遵照將所購機械作速運回如擬試辦一俟著有成效即將辦理詳細情形呈報來廳以憑轉呈省長核飭各縣仿照辦理而興水利切切此令

呈報開辦趙虎社第一小區楮皮崗鑿井日期文

爲呈報事竊屬縣擬議推廣鑿井計畫業經呈報

鈞署核准在案自非積極開辦不足以興水利而促進行查杞縣舊有三十六社劃分三十六井區每一井區察看地方情形劃分爲十小區每一小區計各鑿井四十口以十小區合計爲一社共鑿井四百口再以三十六社合計則所有杞邑全境共鑿井爲一萬四千四百口至於開辦之次第擬先將三十六社編列爲號碼其各社中之十小區復以第一第二等區預定其先後如此辦理既於原來之計畫可以期必辦到復於進行之中而俾免爭端已於本年十一月二十二月一號兩次召集各區鄉董再四

協議全體贊同惟縣境土質半係流沙民間鑿井十不成二別無良法可以補救故全境并不甚多且開鑿辦法鄉民習慣向係土法計每鑿井一口約須錢二百千文左右設遇流沙或苦水或水量不足諸病即廢棄而無用傷財勞民損失不貲故民間非家資巨厚不敢輕舉茲擬改良辦理先以土法開鑿而以新法補救計每鑿一井不過費錢百串之譜雖土法進行之中設遇流沙或苦水或水量不足諸病即責令鑿井局分派技師設法修理不取分文總期開鑿一井可得灌田四五十畝之利惟鄉民貧富不同而各井坐落之地點亦異至開工之前後用撮閘法免其爭執其間獨辦合辦分配負擔悉聽鄉民自由以杜私行移挪之弊並由知事眼同標識茲擬就趙虎社第一小區楮皮崗先行開辦即定於本年十二月五日動土開工除將辦理情形隨時呈報外所有杞縣開辦趙虎社第一小區楮皮崗鑿井日期理合繪具圖冊呈請鑒核備案實爲公便除分呈外謹呈

計附呈

杞縣趙虎社第一區楮皮崗村開辦鑿井數目暨井戶清冊一件

杞縣趙虎社第一區楮皮崗村開辦鑿井圖一紙

河南實業廳指令

呈及圖摺均悉除准予存查外仰仍將開鑿情形陸續呈報以憑查考此令

呈報推廣美棉辦法請頒發脫里司棉種文

爲呈報事竊查屬縣推廣美棉計畫迭經呈報

鈞署核准在案但民間風氣初開疑信參半自應亟從勸導入手知事於本年九月間

業經刷印植棉改良淺說五百份勸種美棉淺說一千份分發三十六社廣爲傳播并

令實業講演員依據講演以漸週知復編勸種美棉白話布告於窮鄉僻壤廣爲張貼

務使家喻戶曉咸瞭然於救貧富國之要圖此爲推廣美棉之第一步利益既明勸種

自易例如本年縣屬大楊村康羅由山西回帶來綠籽美棉試種四畝每畝收穫確有

三百斤近村民人皆知惟因購種艱難遂令大利坐棄莫能擴充良可深惜知事因於

本年十月派員購買美棉種籽四千五百斤刻正分發三十六社由各社鄉農會會長

酌量發給種戶一俟發給完畢即責令各會長將所有領種花戶及認種畝數詳細造



雍 邱 政 牘

冊送署備案以便查勘而昭慎重此爲推廣美棉之第二步播種手續甚繁僅恃印本
說法雖智識稍開而見聞未確仍不足以資改良而觀後效知事因連日召集縣農會
試驗場暨實業團各職員公同磋商擬於明年美棉布種以後成熟以前分派職員並
請試種得法已獲成效之康羅發給川資輪流赴鄉就所有試種地點跟同鄉民切實
指導務令一家種植得法家家藉資仿效此爲推廣美棉之第三步如此計畫除民間
自由購種試種不計外卽以所發四千五百斤棉種計算可試種地一千五百畝平均
收穫其斤數可得四十五萬斤以此四十五萬斤除去花絨三分之一則所餘棉種不下
三十萬斤約計二年卽可普徧於全境此爲推廣美棉之第四步惟是現購棉種係綠
毛棉籽雖收成較土棉加增兩倍其纖維不及脫里斯棉之光細長韌若能將脫里司
種與綠毛棉種並行試種則異日成績必更優美利益必更遠大擬請

實業廳長
鈞 廳

頒發脫里司棉種四百斤由知事備價領種以便擴充而宏利賴是否有當合
併陳明除俟各社領種事竣另行造冊呈報外所有屬縣推廣美棉辦法各緣由理合
具文並同植棉改良淺說勸種美棉淺說及勸種美棉白話布告各一份呈請

憲台鑒核備案實爲公便除分呈外謹呈

計附呈杞縣勸種美棉淺說一本

植棉改良淺說一本

勸種美棉白話布告一紙

河南實業廳指令

呈及附件均悉查該知事所擬推廣美棉計畫均稱妥協應准如議辦理所請頒給脫里司棉種四百斤准予如數彙案發給如不敷分給時仰速遵照本廳第二二三三號訓令辦理開具清單呈廳核請整理棉業籌備處酌予發給棉種以資播種切切勿延附件存此令

呈報籌款興學辦法文

爲呈報事竊維教育以普及爲要普及以小學爲基屬縣前經設立國民學校七十六處自知事到任後增添四處現有國民學校八十處計學生二千餘名縣城內有高等小學一所舊有學生兩班額五十名本年八月復由知事擴充一班額六十名計三班



學生一百十名惟查杞縣地方面積方可百里人口四十餘萬兒童適學年齡何止數萬勿論八十處之國民小學將來必須擴充即以目前國民小學二千餘人行將挨次畢業而縣內高小學班次既定業已不能容納如是則國民小學學生畢業之後苦無升學之路於教育前途殊覺滯礙知事與縣勸學所縣視學縣教育會及四鄉教育促進會各機關人員迭次磋商僉云國民小學雖則不敷而四鄉可以補助小學不足之私塾尙復不少獨高小學祇有縣內一區必須先將高小學提前趕辦方可以免阻礙而策進行知事查得縣境三十六社舊有選舉區域以四社爲一區鄉凡九區城廂爲一區計共十區茲擬於四鄉每區設立高小學一所每高小學先招一班人數約以四五十名之譜量用教員三人或二人校長文牘庶務皆以教員兼充校舍即以祠宇寺院或地方公有之建築物略加修葺款項除開辦費外常年經費約以四百千文以上六百千文以下獨是杞縣辦學公款現時既已無可騰挪而新款又無着落知事再四思維祇有仍就地方設法籌備或爲無住持之廟產或有住持可以分撥之廟產以及其他地方款項可以吸收爲興學之用者切實調查某處籌有底款即先儘某區成立


如將來某區實在無款或有款不敷時再由知事於公款項下設法彌補總期化無用爲有用先所急後所緩自本年夏秋以來知事商同各機關人員及四鄉社長鎮董着手辦理以迄現在調查得第二區山頭袁寨呂興蒜木四社第六區花園葛崗晁村趙虎四社第十區付集溝陵板木瓦崗四社皆已得有底款計該款之每歲收入約可開支三個高小學常年經費其外各區調查之款尙復源源不絕知事遂於本年九月間先將第二高等小學設立現已開學呈報有案第三高小學業已考舉行將開學第四高小學辦有端倪現正積極進行知事所擬辦學次第分爲三期第二第三第四高小學爲第一期第五第六第七高小學爲二期第八第九第十高小學爲第三期除第一期之三個高小學其籌備期間業已經過不計外卽以陽歷七年八月至八年一月爲第二第三第四高小學成立時期又以七年八月至八年一月爲第五第六第七高小學籌備時期以八年二月至八年七月爲第五第六第七高小學成立時間又以八年二月至八年七月爲第八第九第十高小學籌備時間以八年八月至九年一月爲第八第九第十高小學成立時間除將來就一切調查興學款項數目詳細列表呈報并

各高小學開學期間隨時呈報外所有知事籌款興學緣由理合具呈是否有當抑須另行變通之處伏乞

憲台鑒核訓示施行除分呈外謹呈

呈報整頓擴充教育各事項文

呈爲呈報事竊維振興教育固以擴充爲前提尤以整頓爲急務知事前次擴充高等小學六處國民學校十處添設循環教員通俗教育圖書館私塾改良會春秋兩季開十區觀摩會寒暑假開短期講演會業經前後呈報在案本年復添設第二第三乙種農校二處業已成立第四亦在積極進行實業講演團一處第二第三第五第六第七高等小學校現又擴充一班第二第三女子國民現已成立第四女子國民現已修理校址暑假期內借第一高校地址開高等小學教員講習會招集各校管教員來會講習并在北鄉黑木集開辦塾師單級教授講習所招收塾師入所講習一律改用國民教育四鄉高等小學皆附設露天講演每值星期令學生到處講演現又籌辦幼稚園亦於秋季一律開辦以冀教育普及所有本學期整頓擴充各事項是否有當理合具



文呈報懇請

鑒核備案實爲公便除分呈外謹呈

河南教育廳公署指令

呈悉該縣擬於四鄉高小校附設露天講演尙屬可行惟每值星期令學生到處講演一節恐各該高小校學生學識未充不克勝任並致荒廢學業殊有未合應即改由職教員講演以求妥善其餘各項辦法尙無不合仰即督飭認真進行毋稍敷衍切切此令

呈報擬議擴充學務情形文

爲呈報事竊縣屬教育自知事籌畫擴充於去歲增設第二至第七高小學校六處業經先後呈報在案惟是高小學校爲國民之升階導中學之先路固宜力謀普及而實業女校及國民小學爲生活教育之基礎尤不可不兼營併進蓋以現值講求實業時代非牖啓專門學識不足以謀將來之發展女學方在萌芽非竭力提倡不足以開風氣而促進行國民學校雖設立已久然以義務教育之原理更不容忘遠圖而安故步

查縣屬實業學校除城區甲種農業學校外僅有附設乙種農校一處以縣境幅員百里之廣人口四十餘萬之多祇此一校未免太少至於女學亦僅於城內開辦一處雖由知事屢籌推廣班次而各區仍付缺如其不便於就學尤甚知事有鑒於此遂與縣屬勸學所教育會縣視學及四鄉教育各機關辦學人員迭次磋商僉以講求實業振興女學暨國民小學校均爲時勢要需亟應分別增設藉以圖國民之進步討論結果各表贊同知事當卽設法籌款除城內附設乙種農校作爲縣境第一乙種農校不計外先於鄉區擴充第二第三第四三處乙種農校作爲試辦所有地址第二乙種擬設於縣第十區付集社本集第三乙種擬設於縣第七區官庄社本集第四乙種擬設於縣第五區黑木社本集每處常年經費約計需錢六百串均就該區廟產通融籌撥或由公家酌量添補計現在付集社第二乙種農校業經成立官庄社第三乙種亦具有端倪黑木社第四乙種正在籌辦之中此則縣屬本年擬議擴充乙種農校之情形也至於女子小學除城內舊設女子高等小學附設國民學校作爲第一處外再於鄉區適中地點添設女子國民小學三處第二擬設於縣第十區付集社本集第三擬設於

雍

邱

政

牘

縣第六區趙虎社楮皮崗第四擬設於縣第七區人和社每處常年經費約計需錢六七十串均擬就學款項下撥給現在付集社本集第二女校業經開辦趙虎社楮皮崗第三女學亦辦有頭緒人和社內黃集第四女學刻正積極籌畫務於本年內一律成立此則縣屬本年擬議擴充女學之情形也再查縣屬國民小學經知事於去歲增設八處節經併案呈報茲復擬於本年增設十處藉資推廣計現在第三區新興社金市第四區韓店社萬寨陽堦社蒲庄第六區花園社彭庄趙虎社楮皮崗第十區付集社草市均已先後成立其餘四處刻正責成勸學人員與鄉區紳首竭力趕辦務於本年下半年一律辦齊所有各校經費仍擬就學款項下撥發此則縣屬本年擬議擴充國民小學之情形也以上各節均以切實進行一致成立爲主旨嗣後仍擬每年逐漸擴充藉謀各種教育爲富國之本作育才之基所有知事擬議擴充學務緣由是否有當理合具呈伏乞

憲台鑒核訓示施行除分呈外謹呈

河南省長公署指令

呈悉該知事對於各項教育力圖擴充並注重實業設乙種農校多處熱心任事殊堪嘉許唯實業學校設備爲先應卽籌畫完善藉圖實效除令行教育廳知照外卽卽遵照辦理此令

呈報擬議建設模範村開摺呈請鑒核文

爲呈報事竊維國家進化地方有自治之權而風氣初開官府負提倡之責是以興利必先祛害而教稼比於明倫教養兩端古今一軌自歐化東漸法令聿新布政敷猷期臻上理溯前清末年迄民國初元僅於通邑大都謀種種之改良與建設而鄉區自治迄未實行舉辦 國體已更而民生未遂民智未開富者失救貧者失養敗常亂紀未易俛指蓋教育之不興實業之不講萑苻潛滋黎民苦痛有由然已知事忝膺民社夙夜戰兢欲鋤暴以安良務厚生而正德對於教育實業緝捕諸大政惟恐施之不得其序措之不合其宜無以資觀摩而收效果茲擬就縣屬三十六社每社先辦一模範村村中建設畧具一自治之雛形俾全境各村遠近參觀次第仿效預計數年之後婦人孺子皆將有士君子之行蔀屋窮檐當永無號飢寒之苦而盜匪絕迹閭閻安堵官府

提倡之責盡地方自治之象成矣謹以模範村應行設備之機關臚陳於左是否有當
伏乞

鑒核俯賜指令祇遵實爲公便除分呈外謹呈

杞縣知事謹將議擬建設模範村開摺恭呈

鈞核

計開

一清鄉局 查縣屬清鄉事宜雖經迭次辦理而各村尙未完備茲擬於模範村先設清鄉局一所鄉勇二十名卽責成該村村長兼任清鄉局長令對於一村戶口之調查商旅之出入檢舉匪類盤查奸宄均由該局長秉公處理庶匪源清而人民各獲安堵

一國民學校 查縣屬國民學校由知事連年設法擴充現已至百餘處曾經呈報在案但以轄境村庄平均仍有不及十一之歎茲擬於模範村各設國民學校兩處令凡已及學齡之兒童強其父兄迫令入學庶教育可望普及而將來之學風



亦因之不振

一女子國民學校 查縣屬女子國民學校現雖城鄉設有三處以縣境幅員之廣人口之衆比較事實上確係不敷容納茲擬於模範村各設女子國民學校一處妥擇教師令凡一村女子按其年齡各施以相當之教育庶女學可漸臻於發達

一貧民義務學校 查義務學校原爲萬分不能就學之兒童而設蓋以教育雖尙強迫而生計之困難職業之妨礙亦不能不曲以相諒茲擬於模範村各設義務學校一處責令萬分不能就學之家亦須破除兒童半日之閑而來受教育庶可以弭缺陷而圖普及

一鑿井公會 查鑿井灌田之利與川瀆同功業爲一般人民所共信日非設法推廣不足以闢利源而資灌溉茲於模範村各設一鑿井公會責令各該村每年鑿井以十眼爲度庶數載以後地無不井之田無憂旱之日農畝歲稔可操左券

一林業公會 查縣屬森林本年曾經栽植八十餘萬株節經呈報在案惟此項種樹關於人民生計極爲密切若僅專由官家僱辦仍恐不足以資推廣而溥利賴

茲擬於模範村各設一林業公會每年勸種槐柳榆楊等樹在一萬株以上榆柳等樹由該村自行籌備德國槐由官立苗圃發給數年以後林業必有可觀

一蠶桑公會 查縣屬氣候溫暖土地肥沃關於講求蠶桑實爲至便惟因提倡無人遂致坐失大利茲擬於模範村各設一蠶桑公會每年責令該會就村內種桑樹五千株先由官立苗圃發給桑秧不取分文另籌地二畝闢作桑苗圃爲鄉民飼蠶之預備庶將來蠶桑之利可振興於閭閻

一鄉農會兼管苗圃及美棉試驗場 查縣屬鄉農會現已一律成立其苗圃向祇於城西設立一處嗣經知事在鄉間一律籌設次第擴充雖已辦有數十處其實仍不足以資分布茲擬模範村各設苗圃以五畝起算按年增添藉以振興林業至試驗脫里司種美棉每一模範村每年須種五百畝以上庶有擴棉業而裕富源

一女子織布傳習所 查縣屬女子織布傳習所業經於城內設立觀其開辦之始報考者極形踴躍足見織布改良最易提倡茲擬於模範村各設一女子織布傳

習所俾該村婦女無貧無富一律學習庶布業改良而向來外溢之利權從此可以少挽

一女子草辮傳習所 查草辮爲出口貨之大宗銷路極廣自縣屬設立女子草辮傳習所以來出品精良成績優美迭蒙列憲嘉獎茲擬於模範村各設女子草辮傳習所一處俾本村及鄰村婦女均入所學習不過數月人人皆有家庭良好之副業庶於窮民生計上亦可稍資補助

一教育講演所 以上各種建設關於教育者居半故又擬於模範村各設一教育講演所卽責令該村各校教員輪流講演淺明教育之原理藉以牖民智而開風氣

一實業講演所 又以上各種建設關於實業者居半故除設教育講演所外又於模範村各設一實業講演所責令該村承辦實業人員隨時講演俾人人對於村內各項實業毫無疑慮庶進步速而成效可以立待

以上各機關爲知事擬議模範村之建設一有不備卽不合格但須有臨時變通

者如該村原有國民學校一處卽再添設一處爲己足如該村原有苗圃十畝卽無另設之必要如此辦理庶免重複而易舉辦計畫既定當卽與各區社首會商討論結果各無異詞遂決定自本年八月一號起迄明年一月三十號止爲縣西南十八社籌備期間自明年二月一號起迄明年七月三十號止爲縣東北十八社籌備期間自明年八月一號起至十一年一月三十號止爲縣東北十八社籌備期間自十一年二月一號起迄七月三十號止爲縣東北十八社成立期間如此分區籌備次第進行庶兩年之間或可將縣屬三十六社之模範村一律成立

河南教育廳指令

呈摺均悉所陳各節果能實力奉行自可日起有功仰卽督飭紳民卽時籌設按次推廣庶自治規模肇厥始基殊爲可嘉既據分呈仍應候

督軍
省長令飭祇遵此令

呈報停辦鑿井傳習所改爲鑿井局文

爲呈請事竊屬縣自本年四月間開辦鑿井傳習所至十月半年期滿得及格學生二

雍 邱 政 牘

十二人業經呈報舉行畢業在案惟原擬試辦數班以宏造就現由闔邑紳首協商僉稱鑿井一事固以灌輸學理爲先尤以實行新法爲要比見新鑿各井泉甘水足有利農田畢業生徒亦具有心得與其託諸空說需以歲月何如力求實際見諸施行擬請暫停傳習所改辦鑿井局卽以該所員生擔任新法鑿井事宜實爲當務之急較之續辦傳習所收效自應倍蓰等情知事復擬全境三十六社每社應立鑿井公會一所劃社內爲十區每區鑿井四十眼每井灌田五十畝通力合作次第進行不過數年而地無乏井之田田無憂旱之日利賴之溥可操左券現由趙虎社首先組織公舉職員擬具辦法業經呈請立案一俟籌備完齊卽行照章開鑿知事以爲如此改辦則各員遂及時自効之心地方無迫不及待之患風氣旣開經費又省一舉兩得無逾於此當飭水利分會妥擬章程以便組織其局長統籌全局應由知事遴委委員呈請憲台委任以專責成而動觀聽所有停辦鑿井傳習所改爲鑿井局迅圖普及各緣由是否有當除分呈外理合繕具簡章呈請

鑿核訓示祇遵實爲公便謹呈

河南實業廳指令

呈悉既據分呈仰候

省憲令飭祇遵可也簡章存此令

呈報水利分會成績及進行辦法文

爲呈覆事案奉

鈞署令開各縣設立水利分會原以分任勸辦督促水利之進行乃時逾半載其已經成立之水利分會除委員守催辦理稍有成績外其餘多形同虛設並未將該會辦理成績切實呈縣轉報似此情形殊於水利前途大有障礙合行嚴令各該知事凡未立分會各縣務期尅日成立已立分會各縣勒令迅將境內前經呈明各水利詳叙辦法並將有無新發生之水利隨案聲明用資推廣等因奉此當經知事轉令縣屬水利分會切實聲覆去後茲據該分會呈稱案查縣屬分會自七年十月成立先選會長一人維持會務至八年四月始完全組織其過去之成績除縣南鐵里河開濬係在去秋不由分會經理外其縣北之永濟渠惠濟河兩大工程均奉縣長訓飭由分會擬具章程




雍 邱 政 牘

劃分段落勘驗工程測量形勢對外爲鄰封之交涉效口舌奔走之勞對內有局部之競爭任排難解紛之責舉凡省長之命令縣長之指揮莫不將順祇承罔敢懈弛自去年十一月起至於本年七月雖酷暑嚴寒未嘗止息而兩河遂一律告竣矣且河成之後設橋梁以利交通開涵洞以洩坡水又當務之急而不容緩者前奉縣長令飭永濟渠建橋六座惠濟河建橋八座現在橋工永濟渠已修其一惠濟河已修其三皆來往要衝利賴極溥其餘各橋亦均庀材鳩工次第著手至若兩河涵洞必不可少者約計四十餘處刻已挖成二十有一預計三數月間橋洞工程均可一律告成此濬河之大概情形也杞治地形甚爲窪下郭外地平線較郭內高數尺每逢大雨時行塘水暴發輒倒灌而入田廬盡被沈灾城根亦遭浸沒前奉縣長令飭先堵隄口以免水之奔赴復築郭門以便行旅之往來外濬堤濠可容積潦旁開水道可通惠濟皆所以消納異漲之水不使漫溢爲患而已近者堤口業經堵塞郭門正在修理築寨擬俟秋涼濬濠約當農隙固隄防則徧栽楊柳慮破壞則徧設柵欄此皆河工之要需而亦未來之計畫也至若修路濠以治官道則車馬無顛覆之虞習鑿井以灌農田則四民享新法之

利此又已著之成效與潞河相輔而行者也似此以上諸端均經呈報有案早在省長洞鑒之中固無俟分會之贅述也以外如有新發生之水利分會自當竭力圖維積極進行斷不敢惰慢因循致同虛設所有呈報分會辦理水利之成績與進行之辦法伏乞轉呈

省長訓示以便祇遵等情前來竊查該分會自成立以來辦事尚能認真規畫亦具有條理所陳一切情形節經知事先後呈明尚無粉飾敷衍之處除令飭該分會逕行函達水利會詳細察覆外理合具文呈請
憲台鑒核示遵實爲公便謹呈



附臨穎縣教育計畫書本年教育之計劃 屬舊有學校之整理

一 整理手續

甲 綜核各校用款 查臨穎縣教育經費 雖較他縣爲少 若就一學校言之 其經常費並不絀於他縣之同等學校 律其結果畢業生程度殊有遜色 推求病源 以經費之支配 多糜費於無用 嗣後各校用款 據實開支 所有節存之費 務用於教員薪俸 及實際教育有益之事 茲由縣署 假定各款支配標準數目 審核各校預算計算 並定職教員俸級規程 以便遵行

乙 各校開支須按月呈報 查學校用款 除額支外 其餘雜費 不過文具筆墨紙張表簿等目 每月筆墨各需若干 每件各價若干 紙張須分類詳列用途 表簿須分某種爲一學期之用 某種爲一月之用 某種爲一日之用 各種總計若干 價值幾何 於學校例用之外 尙有參



觀人索取者 亦須詳細呈報 據實開列

丙 各校年度預算案 各校用款 均於元月以前 將額支雜費 或預備

曠充班次之特別費等等 先爲預算列表 交學務經費委員會審察認

可後 卽行呈縣備查 以便轉飭款產經理處 准予來年按月支取

丁 節減各費之存儲 各項節減之費 及寒暑假期內核算餘存若干 應

由各該校專款存儲 遇必須動用時 由教務會議議決 提交經費委

員會議決 詳列事由 呈縣核准 方能開支

戊 關於教育必須之設備 查各校最大缺點 開支報銷 概多不急之務

關於圖書儀器學校園游藝園體育器械等 必須設備者 絕不注意

卽有報書籍費者 多係學生所用之教科書 如此不獨學生學業無

由進步 管教員新智識亦無由輸入 此設備之不可簡陋者也

己 撤換不稱職之教員 查河南各地辦學情形 任用教員多半不是人材

主義 而徇情面以濫用私人 意將教育事業 爲酌情之具 則腐敗

失職者置之不問 或經省視學查撤 而戀棧不舍者熟見不鮮 此後
如有此種弊竇發現 惟勸學所長及縣視學玩忽教育論
設學務經費委員會 查學校經費 各項用途 欲相當之事前 得正
確之判定 事後有詳細之表示 並須稽查方法 另有相當之組織
庶擔任斯職之人 賢者得以自白 不肖者無從染指 此學務會之宜
立也

二支配經費之標準

甲 教員薪俸表(說明)校長支俸 由勸學所長攷察成績 呈縣核定 以
便進級 或進等 其他職教員進級 由校長攷查成績 至職教員進
等 須呈請勸學所長 轉呈監督核定之 至司事員 中等學校 每
月十五串文 高小校每月十三千五百文 不得妄行增薪 但有特別
勞績者 須由學務經費委員會議決 方能增薪

第一號表

乙

裁減冗費 查各縣學校報銷 多半不實 如茶水之開支 茶葉之開支 油燭紙張印刷物品 以及炭費零星各物 往往在寒暑假期間內 均照常開支報銷 此種情弊 可想而知 嗣後如上列各項開支報銷

第二號表

	正教員	校長	名稱/等級
一 等 級	35	40	1
	30	35	2
	25	30	3
二 等 級	22	25	4
	20	22	5
	18	20	6
三 等 級	16	18	7
	14	16	8
	12	14	9

	專任教員	校長	名稱/等級
一 等 級	45	50	1
	40	45	2
	35	40	3
二 等 級	30	35	4
	25	30	5
	20	25	6
三 等 級	18	20	7
	16	18	8
	14	16	9



均須列入預算 有一定之限制 倘有特別用途 仍須經校務會議
議決 提交學務經費委員會審察議決 方准開支報銷 以節經費
而杜弊端

丙

購置之限制 學校購置 約分三種 如圖書儀器標本器具等物 每
年於預算時 就本年應購者分類計數 詳細規查 說明事由 圖書
須計種類部數 (學生課本不可列入) 儀器標本 須按各級之進度

教材所必需者 應購何品 手工體育之設備 亦在器內 且須分
棹椅床架等類 均屬預算所列 購置費或他項節存之費 經審查會
議決挪用者 呈縣核准 俟購置後 將購物貨單 呈報核銷

丁

茶水包辦 此項用途 非有茶爐包辦 絕無限制 以後不另開支
(煤費)教室用煤 僅限於冬季一個月內 公用茶葉 僅限於應接室
接待賓客之用 其餘均歸自備

戊

減少夫役冗員 兩班以上之學校 得用夫二名 或三名 如縣立第

一高小校共有三班 宜用夫役三名 傳達在內 如有超越者 此不獨虛擲金錢 且養成學生驕惰之風 庶務員一席 在學校內須兼書記 每週並須兼任功課滿八小時以內之鐘點 則辦事之精神自然尙有餘暇 如學務機關 亦須兼理文牘 不可另行設席

已 懇親會展覽會 或聘請名人演說 及修學旅行等項用款 均須呈核施行

三師範講習所之整理

甲 遷移校址 查師範講習所 校址狹隘 甚不合宜 茲由縣署撥發款項四百元 將舊有西學地址 修理建築 以便將來擴充 並可添設附屬國民 是爲該校至要之點 但修理期限 須於新歷八月內 一律完竣

乙 增設附屬國民 查師範生 以實地練習爲要事 茲於本季 在該校內添設三班國民 每班以五十名爲限 但於三班內 必須有一班單

式編制

丙 暫定常年經費 該校經費茲暫定爲二千三百七十六千文 嗣後如再

擴充班次 除由本校附國民增加學費外有不敷用時准予稟請增款

丁 擴充班次之增款法 如明年必欲擴充師範班次 則附屬國民學生每

人每期須納學費錢一千文 在學生所納無多 在學校足可另聘主科

教員一名 其餘鐘點 可分任之

戊 校內之設備 如圖書標本儀器等等 以及學校園遊藝室各種球類體

操器械 均須完備 倘款項不敷 可於雜費內 節減補助 以便設

備

己 校長 應辦之緊要事項 按師範校長 必須實行攷查地方 教育狀

況 責任所在 實行時 須預期呈報攷查地點 及應需時日 及款

項等等 逐日填報 將攷查教育狀況 一并呈縣備查 但此種用途

由本校節減費項下開支

四 高小校之整理

甲 革改舊弊 查該校從前辦理情形 惟尙尊嚴之形式 職教員不自勵

修 以致師道浸替 校務不振 其爲師表者 惟以歸咎青年之囂張

新潮之傳染 凡乎法窮術盡 而用以專制手段 對付生徒 其於

教授之改良 志氣之鼓勵 漠然不顧 間有熱心者 終日只知使學

生埋頭枯坐 並無相當娛樂之替代 引起生徒活潑之興趣 濟濟英

才 全養成一般萎靡不振之氣 教育之精神全失 無怪乎省視學之

挑剔也 此種深弊 首先革除

乙 校內之設備 該校常年費 較諸各小校爲最 而校內之儀器標本

及運動場之應用物件 概屬缺如 着卽設備 是爲至要

丙 節減冗費 查各處學校報銷 往往茶水一項 每月支洋若干 此後

茶爐當爲包辦 炭費每屆冬令 以三個月爲限 但須定標準 不得

隨意開支 茶葉一項 除接待室用外 其餘職教員 均須自備 此

丁 外油燭紙張 印刷品以及零星各物 在寒暑假期中 不得隨便開支
閱報室及販賣部之辦法 多閱報紙 可以增進新思想 高濶其職見

嗣後每日必須令學生閱報一小時 由值日員攷核其確有心得否
販賣部 以學校日常用品販賣之 每日由學生輪流經理 必備簿記
使學生養成經營生活之能力

戊 招考時限制年齡 查部定章程 高小校生徒年齡 自十一歲至十五

歲爲限 該校從前所招生徒 年齡甚有二十餘歲者 在外觀上亦不
甚雅 實際上終究不能升學 嗣後招生 必須限制年齡

己 制服之統一 按照部令 教員學生 必須一律均着制服 該校既爲
全縣小學之首領 理宜統一制服 嗣後教員學生 夏季須着白色褲
褂 冬季均用黑色 不得參差 有碍觀瞻 並失精神

五 城區國民學校之整理

甲 款項之支配 每校每年由款產總理處 平均給款 除額支外 餘件

乙 雜費用途 但清真寺第五國民學校款項 盡歸回教會 完全担任
教員之支配每校正教員一名 東南兩區共用助教員一名 西北兩區
共用助教員一名

丙 年級之編制 西北兩區 編爲一二四年級 東南兩區 編爲一二三
年級 均按秋季始業編制 使四區每年畢業生徒 與高小校招生相
啣接以便升學

丁 教科書之更換統改爲新法國語教科書 以期劃一
戊 圖書館之成立 圖書館每校一所 經理員由主任教員及助教員擔任
凡故事小說等 每日必須令學生閱覽一小時 但主任教員 必須
相機問答 以驗學生是否能懂

己 棹椅式之改良均按照學生年齡 遵照部定式樣購製之
庚 教員研究會之組織五區共同組織 會長由巡迴教員擔任 每於星期
日下午 開常會一次 以便研究 而期教授改良

六 女學校之整理

甲 高等班之編制 該校高等班 以學生程度不齊 編爲複式 其於教

授上頗有困難情形 今就高一年級程度而論 不如仍作國民四年級
教授 卽與高二年同教室 其教者當不致大爲其難也

乙 成績展覽室 該校成績展覽室 設施於後院樓上 殊屬不合 理應

移置前面 一則對於參觀者往來之便 再者對於形式上亦可以壯觀

况臨潁風氣閉塞 女子教育 尙在萌芽 如將成績付之高樓深藏

殊不足以藉此開通風氣 引誘女界之希望 此展覽室之宜速移也

丙 應增加之學科 女子教育 首先注重德育 而德育養成 則家庭之

修齊 隨之 查該校課程表內 並無家事一科 實爲缺點 至於烹

飪裁縫以及帽編 尤爲女子職務之必要者 該校亦當從速增加 幸

勿忽略 致失女子教育之本領

丁 優待女生之父母 河南女子教育 原不發達 而臨潁尤甚 刻爲發

雍

邱

政

牘

屬創立各校之計劃

一 甲種蠶校 附乙種

甲 開辦費之籌劃 縣知事籌款六百元

乙 經常費之籌劃 契紙加價當契三百文 買契五百文 業於財政廳稟

明立案

丙 管教員之支配 甲種教員 以專任爲合法 分配學科及鐘點 亦必

展女子教育計 非與現在生徒之父母聯絡 不能藉其力量鼓吹 嗣後如有生徒之父母來校者 理應特別優待 以聯感情 而期鼓吹 運動場之籌劃 女子身體 原弱於男子 非多行運動 不足以發達 其體質 查該校運動場 與教室毗連 殊有妨害 此運動場之宜速 設也

己 該校生徒 纏足者約占十分之九 亟應一律放足 以便作業 而爲 民間放足之先導也

酌量適中 但人數不得失之過多 茲暫定該校教員共爲 人 而乙種主科教員 須另聘一員 其餘仍須甲種教員兼任之

丁 圖書標本儀器之購置 凡關於圖書儀器 以及理化各物試驗用器

游藝室體育器械等 必須設備

戊 司事之責任 該校司事 須兼乙種功課 但每週不得過八小時

己 實習之計劃 應按學級教授進度 共有若干人數 實習何項工具

預計耗費若干 將來成品可以抵價若干 開列預算 寒暑兩假期內

應將售品若干 存品若干 分別報縣 以便存查

庚 校舍之建築 教室共分甲乙兩種 以款項支絀 可以仍舊 無須另

行建築 但以流通空氣 透達光綫爲目的 至於破毀殘缺 必須修

理 期合適用 並雅觀瞻

辛 桑園之設備 桑樹爲養蠶之要品 茲暫以縣北關官地二十七畝 作

爲該校桑園 以便養蠶時之採用 嗣後每年桑秧之栽培 須由該校

自行經營 既便於生徒練習栽培之法 又足以提倡民間栽桑養蠶之觀念 且能使民間盡知種桑改良之法 及其利益

一 區立高小校 本年秋季創立五處

甲 開辦費之籌劃 各區均各捐款四百串

乙 經常費之籌劃 由各堡公產作為經常費

丙 管教員之任用 校長由縣長委任 教員由勸學所長選派之

丁 教科書之規定 一律採用商務書館高等小校教科書

三 區立國民學校

甲 籌辦法按自治區域 全縣共為百零四村 每村至少須設國民學校一

處 由村正副作為學董 均於八月一號起 一律開辦 共計一百零四

處

乙 款項之籌法 由自治籌款項下 提出一成 暫作本年經費 明年自

治款隨糧徵收 而學款亦如之



丙 教員之任用 凡私塾教師、能通科學者 本季暫行作為教員 其有

不能稱職者 准縣視學稟請撤換 由勸學所長委任之

丁 教科書之規定一律採用新法國語 及新法修身算術等

四 通俗教育講演社

甲 款項 戲捐項下開支

乙 社員 兩員或四員

丙 地址 設在城隍廟戲樓前 各鄉市鎮

丁 講演 每逢日曜日講演 自上午八點起 至下午四點止


五 通俗教育圖書館

甲 款項 縣知事捐款二百元

乙 圖書之購置 凡關於教育事業 及有益於社會 古今名儒之著作

大概備具 約計種類 不下數十餘種

丙 地址 設在巽宮東院



丁 館長 茲定爲一員 由勸學所長兼任 經理該館圖書及游覽者之

招待 至薪金一項 定爲名譽

戊 章程 另有簡章 在該館存放

六 通俗閱報室之計劃

甲 款項 戲捐項下開支

乙 地址 城隍廟一處 圖書館一處

丙 經理 定爲一員 經理一切報紙 至薪金一層 每月八千文

丁 閱報時間 每日上午八點起 至十一點止 下午二點起 至四點止

戊 章程 另有簡章 懸掛閱報室內

七 天足會試辦之計劃

甲 選舉會長 正副各一人 負勸導提倡之責任

乙 章程 另有簡章 如欲詳閱 請向會長索取可也

丙 施行時日 自本年十一月二十日開成立會 當即公佈簡章施行



丁 提倡之方法 以教育界人員 首先飭令眷屬 一律放足 作爲先導

八 學事批評會之組織 欲謀小學教育之改良 在使曾任教員 或現任教

員 共同組織一學事批評會 然此種辦法 不過有互相研究 互相匡

助之精神耳 且能率較優者 得觀摩之益 逾進於完善 稍次者 亦

得借助他山 寔自琢磨 倘能認真辦理 則前途之希望 正未可量

茲擬定會章如左

甲 批評會設立之旨 爲輔助小學教員 改良教授 及地方小學教員參

觀 得完善之模範

乙 會員 以本縣現任功課教員 並辦學人員 確有經驗者充之

丙 每週高小校及國民班各種學科 各就一學科目之單元 施行預備批

評之 教授輪次而及 其參與批評之會員 高小國民兩組 宜分別

參觀

丁 預備批評之教員於未教授之前 須編教案 卽發擔任批評該學科之

會員 並通知教授時日

戊 批評會每週於星期六下午三時行之

己 說明批評會爲促進教授改良起見 優點固宜介紹 求疵亦不妨細密

在言者得據實批判 勿存戒心 在受者惟有平心領受 勿存芥蒂

如有意見 亦可據理直陳 互相討論 至批評案 得印刷傳播

但須經批評會之認可

民國十一年教育計劃

屬擴充之計劃


一 創立城區半日學校五處

甲 款項 木行捐每月籌款一百串文

乙 辦法 此種學校 以培養貧寒子弟爲目的 按貧寒人家 其子弟每

日必須經營小買賣小時 以便度生 此種半日學校者 卽前半日

爲學子營業之時間 後半日爲入校受課之時間 於貧素子弟求學



甚爲相宜

丙 畢業二年爲限

丁 校額及地址 城內設一處 四關各設一處 但每校聘請教員一名
於前半日須作城區國民學校助教員

二 義務學校

甲 款項 不另籌

乙 辦法 由各校教員 或高小校三年生 及中等以上之學校生徒 均可擔任功課 倘有特別熱心者 另行組織 實堪嘉尙

丙 校額及地址 城區至少設立兩處 地點以師範甲蠶校 或高小校均可 鄉間各大鎮均須設立

三 改良私塾 另有簡章

甲 辦法 由名望素著 品學兼優 並具有新知識者 選爲會長 擔任本會一切事務



乙 款項 產票價

丙 勸導及強迫法 會長遍查各處私塾 有改良者 獎勵之 未改良者

勸導之不聽 准該會長稟請封閉學館

四 堡立 女國民十四處

甲 款項 由各堡自籌

乙 辦法 凡鄉村中女子 年在七歲以上 十四歲以下者 由村正副勸

令入校肄業

五 創立乙工校


甲 款項 由本堡公產辦理之

乙 班次 暫招一班五十名

丙 辦法 就地方工作物料 採取便利者 分科配置

六 創立乙農校

甲 款項 由縣屬之寺廟地畝 勸籌百分之三 作為經費



乙 班次 暫招一班五十名

七 創立鄉區國民六十處

甲 款項 由各村自籌

乙 辦法 統定十一年春季開辦 其招生之手續 仍就十年本區所有之私塾改組之

八 創立鄉區高小校五處

甲 款項 籌款之辦法 仍與十年之鄉區成立之高小校同

東張保一處 西張保一處 王崗保一處 南呂保一處 興文保一處
九 職業教育 此種教育 爲現今所重要之教育 凡高小校以上之學校均須添設一科 以資提倡 而獲實益

十 鄉區教育講演社

甲 款項 不另籌

乙 社員 由各村小學教員兼任之 但講演時間 每於星期日爲講演之



日

十一 公共運動場之設立 暫以城隍廟西地寬縱二百餘平方尺 作為運動場 每於星期六下午及星期日均可來場運動

屬教授之計劃


一 設教材研究會 茲為革新教育起見 擬定教材研究會之辦法於左

甲 先就普通學科 擇同類學校之教員 學識經驗均優者 並由縣署依各種學科 選派專員 派富於教員研究者數人 共同組織教材研究會

乙 所派專員 或由縣署選就 或另行聘請 其期限至製定教授細目之日止

丙 依學校種類 討論科目時間分量程度等 及教材選擇配置之方針

丁 依上項討論之 決定 由分科担任之專員 編教授細目 並分科介紹應用及參考書籍 但教材內容 及分配次序 須打破科學系統之



見解

戊 各專員編製教授細目 得各就所擔任之科目 隨時提出問題 徵求

授同類學校同一學科者之意見

己 教授細目 編製既竣 由縣署派員 會同勸學所長審查 再行公佈

庚 公佈後 教授新生 均須遵照實施 其舊有各班 亦須量予變通

漸期適合於公布之教授細目

辛 各校教員 對於公佈之教授細目 認爲有變通之必要者 得陳述意

見

壬 考試升學學生之學力 以公佈之教授細目爲標準

癸 已公布之教授細目 經實驗後 認爲有修正之必要時 由縣長會同

勸學所長斟酌辦理

一 款項 教材研究會之經費 由各校均攤

二 獎勵 各專員 皆爲名譽職 但於編製告竣 由縣呈請特予獎勵



三 設假期講習會

甲 小校教職員之講習 專就小學教職員 學力較優者 增進其能率

其聽講人員 應由縣視學挑選 每區得派十人以內 五人以外

乙 講習課程 除關於教育一般學術外 他種學科 不須研究 但此種

課程 須與地方教育情形相應 由縣視學及巡迴教員 於講習期前

妥爲調查配置

丙 講習會時期 每年於寒暑兩假期內舉行之

設師範附屬小學教授評議會 辦法由該校自行酌訂 但於十一年春季

必須實行

甲 設現任小學教員補習所另附簡章

該所應附設於師範學校

乙 該所爲現充小學教員 學力不足者 補習學術而設 其講習人員

以縣屬地方小學人員爲主

丙 補習課程 分普通與選修二種 普通科 爲教育心理教授法管理法

實習等 選修科 爲歷史地理博物理化國語國文算術圖畫音樂遊戲
體操手工等

丁 學員由縣視學指定 或由該員志願者 均聽其使 但於補習期內

該員得領原薪三分之一 其所任之功課 由該員另請庖代 以所餘
之三分之二 之薪金給之 所請庖代者 須經勸學所長認可

戊 每次補習期限 以六個月爲滿 其補習人數 暫定爲一百零四名

但補習時 各學員不得曠課

己 補習期滿 該所將各員之學力 及補習情形 呈縣查核 如非任小

學教員 成績甚優者 經核實後 當令行勸學所 儘先任用

民國十二年教育計劃

一 強迫教育之辦法

屬普及教育之計劃

甲 調查年齡 無論城鎮鄉 按戶確實調查 凡有學齡男女生徒 必須

入校肄業 違者稟縣酌罰

乙 調查員由市區長 及村正副擔任之 倘有徇私遺漏 調查員加倍認

罰

二 蒙養園之辦法

甲 款項 由款產經理處支取

乙 辦法 聘請嫗母一員 專爲養護幼稚兒 並教以遊戲歌詞 或令看

圖認字


丙 年齡以五六十歲之男女兒童均可

三 商辦乙種商校之辦法

甲 款項 由商會於布捐項下籌劃一千五百串 作爲常年經費

乙 辦法 遵照部章訂定乙種商業學校辦理之

四 學事年報社之辦法



甲 款項 由教育款產經理處開支

乙 辦法 將本年教育經過情形 詳細分類登載 以便比較教育進度之
遲速

五 參觀團之組織

甲 組織法 以現任教員組織之

乙 參觀時日 每日輪派若干人 出發參觀 各備日記簿一本


丙 批評將參觀各校之情狀 及優劣點之所在批評之 然後交學事研究
會審查之

六 改良新劇社之辦法

甲 款項 由戲捐項下支取

乙 編輯員 定爲二人 編輯戲曲 以改良社會 有益風化 足爲動人
警心者 詳細研究 編成曲本 使劇員演唱

屬整理全縣教育之計劃



一 教育款項之補救法

甲 增添學費 中等以上學校 每生年納費四元 高等小校 每生年納費三元 國民生 年納費二元 均分兩期交納

乙 收款 由各校自收後 呈報款產經理處備查

二 取締資格不合之教員

甲 任用 以師範畢業者任用之

乙 取締法 每年寒暑兩期 由縣長會同勸學所長檢定一次 如有程度較

劣 資格不合者 即時撤退

三 縣知事考核職教員之程序

甲 每年寒暑兩期內 縣視學應將視察職教員狀況 呈縣查核


乙 由縣派員攷核 據實報告 審核資格 檢查成績 經以上二種手續

交學事批評會會議 判定免試不免試之目的

四 嚴定任用之程序



甲 各校教員 由校長聘用 但須呈勸學所轉呈縣長核准 其辭退之手續亦同 按部章規定 教員由校長聘用 所以矯從前由學署委任之弊 但利之所在 弊亦隨之 在臨潁教育界中 未必不無缺乏人材之虞 正甚至藉此任用私人 以壟斷學務 其弊尤甚 茲特變通辦法 以聘用之權屬諸校長 准駁之權屬之官廳 庶徇私之事不能自專 而壟斷把持之風 可以稍戢矣 上列之條 於十一年二月即當施行 本計劃書未盡周密 如有應行革改 對於新潮流 有妨礙時 得隨時變通之



上海图书馆藏书



A541 212 0010 5142B



8774

